

# 《大乘密嚴經》CBETA 電子版

版本記錄: 1.1

完成日期: 2002/11/04

發行單位: 中華電子佛典協會 (CBETA) cbeta@ccbs.ntu.edu.tw

資料底本: 大正新脩大正藏經 Vol. 16, No. 681

## No. 681 [No. 682]

### 大乘密嚴經卷上

唐天竺三藏地婆訶羅奉 制譯

#### 密嚴會品第一

如是我聞。一時佛住出過欲色無色無想於一切法自在無礙。神足力通密嚴之國。非諸外道二乘行處。與諸隣極修觀行者。十億佛土微塵數菩薩摩訶薩俱。皆超三界心意識境。智意生身轉於所依。成就如幻首楞嚴法雲三昧。處離諸有蓮花之宮。為無量佛手親灌頂。其名曰摧異論菩薩。大慧菩薩。如實見菩薩。持進菩薩。解脫月菩薩。觀自在菩薩。得大勢菩薩。神通王菩薩。文殊師利菩薩。金剛藏菩薩。如是等菩薩摩訶薩而為上首。爾時如來應正等覺。從自證智境現法樂住神通辯才現眾色像三昧而起。出虹電光妙莊嚴殿。與諸菩薩入於無垢月藏殿中。昇密嚴場師子之座。諸菩薩眾亦皆隨坐。眾坐已定。於時世尊四方周顧。從眉間出清淨光明名髻珠莊嚴。有無量光周匝交映。成光明網。是光明網流照之時。一切佛土莊嚴之相。分明顯現如一佛土。餘諸佛土嚴飾細妙同於微塵。密嚴佛土超諸佛國。無有日月及諸星宿。如無為性不同微塵。此密嚴中諸佛菩薩。并餘國土來此會者。皆如涅槃虛空及非擇滅

爾時世尊。現諸國土及佛菩薩勝功德已。復以佛眼遍視十方諸菩薩眾。謂如實見菩薩言。如實見。今此國土名為密嚴。是中菩薩從色無色無想之處。以三昧力生智慧火。焚燒色愛及以無明。轉所依止而得智定。意生之身神足力通以為嚴飾。無竅隙無骨體。如日月虹電紫金明珠頗梨珊瑚訶利多羅占波迦孔雀花月鏡中之像。住於諸地淨有漏因三昧自在。十究竟願及以迴向。獲殊妙身而來住此

爾時如實見菩薩在大眾中。即從座起偏袒右肩右膝著地。曲躬合掌白佛言。世尊。我於今者欲有所問。惟願如來哀許為說。佛告之言。善哉善哉恣汝所問。常為開演。時如實見即白佛言。世尊。唯此佛土出過欲色無色無想眾生界耶。佛言。善男子。上方去此過百億佛國。有梵音佛土。娑羅樹王佛土。星宿王佛土。過如是國復有無量百千國土。廣博殊麗種種莊嚴。彼中諸佛咸為菩薩說現法樂住內證智境離諸分別真如實際大涅槃界究竟之法。是故當知此佛土外。有如是等無量佛國。如實見。非唯汝今於佛國土菩薩眾會心生疑怪請問如來。此有菩薩名曰持進。曾於佛所生疑怪心。便以神通昇于上方。過百千億乃至如恒河沙諸佛世界。不能一見如來之頂。心生希有念佛菩薩不可思議。還娑婆世界舍衛城中。至於我所悔謝已過。歎佛無邊猶如虛空。住內證境來密嚴國

爾時會中金剛藏菩薩摩訶薩。善能演說諸地之相。微妙決定盡其源底。從座而起偏袒右肩右膝著地。曲躬合掌白佛言。世尊。我於如來應正覺所欲問少法。願佛慈哀為我宣示

佛言金剛藏。汝於我所欲有所問。如來應正等覺。當順汝心為汝開演

爾時金剛藏菩薩摩訶薩蒙佛許已。即白佛言。世尊。佛菩提者是何句義。所覺是何請說。第一義境示法性。佛除去來今在行地者。色相之見及取著外論。行分別境起微塵勝。性自在時方虛空。我意根境和合。如是諸見復有計著。無明愛業眼色與明。是時復有觸及作意。如是等法而為因緣等無間緣所緣緣增上緣。和合生識虛妄憶度。起有無等種種言論。此法之中復有諸人於蘊眾生墮空性見。為斷如是妄分別覺。唯願世尊。說離五種識所知相。能於諸法最自在者。佛大菩提所覺知義。令得聞者知其了悟。所知五種而成正覺。爾時佛告金剛藏菩薩摩訶薩言。善哉善哉。金剛藏。十地自在超分別境。有大聰慧能欲顯示。法性佛種最上瑜祇。非惟汝今於佛菩提所覺之義生希有念請問於我。有賢幻等無量菩薩。咸於此義生希有心。種種思惟而求佛體。如來者是何句義。為色是如來耶。異色是如來乎。如是於蘊界處諸行之中。內外循求不見如來。皆是所作滅壞法故。以智定意審諦觀察。乃至分析至於微塵。皆悉不見蘊龜鄙故。如來者常法身故。善哉佛子。汝能善入甚深法界。諦聽諦聽善思念之。當為汝說。金剛藏菩薩摩訶薩。唯然受教佛言。善男子。金剛三昧藏勝自在者。如來非蘊亦不異蘊。非依蘊非不依蘊。非生非滅非智非所知非根非境。何以故。蘊界處諸根境等皆龜鄙故。不應住內不應住外而見如來。善男子。色無覺知無有思慮。生已必滅同於草木瓦石之類。微塵集成如水聚沫。受以二法和合而生。猶如浮泡瓶衣等。想亦二和合因緣所生。如熱時焰。譬如盛熱地氣蒸涌。照以日光如水波浪。諸鳥獸等為渴所逼。遠而見之生真水解。想亦如是。無有體性虛妄不實。分別智者如有性見各別體相名字可得。定者審觀。猶如兔角石女兒等。但有假名初無實義。如夢中色唯想妄見寤即非有。無明夢中見男女等種種之色。成於正覺即無所見。譬如芭蕉皮葉既除中無有實。行亦如是。離於身境即無體性。識如幻事虛偽不實。譬如幻師。若幻師弟子。以草木等物。幻作於人及諸象馬種種形體具足莊嚴。愚幻貪求非明智者。識亦如是。依餘而住而異分別。謂能所取二種而生。若自了知即皆轉滅。是故無體同於幻事

金剛藏。如來常住恒不變易。是修念佛觀行之境名如來藏。猶如虛空不可壞滅。名涅槃界亦名法界。過現未來諸佛世尊。皆隨順此而宣說故。如來出世不出世間此性常在。名法住性亦名法尼夜摩性。金剛藏。云何名為尼夜摩。後有諸惡此皆離故。又此三昧。能決定除後有諸惡。以如是義名尼夜摩。若有住此三昧之者。於諸眾生心無顧戀。證於實際及以涅槃。猶如熱鐵投清冷水故。諸菩薩捨而不證近住而已。常為眾生而作利益。不捨精進大悲諸度。不斷佛種。不行外道二乘之徑。如大力象。不為三昧淤泥所溺。心不味著識之境界。趣佛法門恒無退轉。以究竟慧入佛法身。開顯如來廣大威德。當成正覺轉妙法輪。智境眾色而為資用。入如來定遊涅槃。境。漸次修行

超第八地。善巧積習乃至法雲資用如來廣大威德。住於諸佛內證之地。與無功用三昧相應。遍遊十方不動本處。而恒依止密嚴佛國轉於所依。智定意身力通自在皆得具足。譬如空月影遍眾水。佛亦如是。化形普降於諸世間。隨眾生心所樂不同。皆使蒙益無空見者。復令當詣密嚴佛國。如其性欲而漸開誘。為說一切欲界天王自在菩薩摩尼宮等諸安樂處。乃至諸地次第十方佛土功德莊嚴。盡於未來隨機應現。如因持呪安繕那藥及諸靈仙宮殿之神。與人同止而不可見。如來變化所為事畢住於真身晦而不現。亦復如是。爾時世尊而說偈言

根蘊如蛇聚	境界緣所觸
癡愛業以生	眾習縛難解
心及諸心法	動慮恒不安
覺觀所纏繞	如龍共盤結
瞋毒從此興	譬如炎盛火
諸修觀行者	為捨眾蘊法
於此常諦觀	一心而不懈
譬如虛空中	無樹而有影
風衢與鳥跡	此見悉為難
能造及所造	色與非色法
於彼見如來	其難亦如是
真如實際等	及諸佛體性
內證之所行	超諸語言境
涅槃名為佛	佛亦名涅槃
離諸分別想	云何而可見
碎末於金礦	礦中不見金
智者巧融鍊	真金方乃顯
分割於諸色	乃至為微塵
及析求諸蘊	若一若異性
佛體不可見	亦非無有佛
定者觀如來	三十二相具
若樂等眾事	施作皆明顯
是故不應說	如來定是無
三昧一緣佛	善因善根佛
一切世勝佛	及正等覺佛
如是五種佛	所餘皆變化
三十二勝相	如來藏具有
是故佛非無	定者能觀見

出過於三界  
如來微妙剎  
禪慧互相資  
遊於密嚴土  
密嚴中之人  
超過剎那壞  
世尊有大定  
相好諸功德  
眾謂佛化身  
佛常密嚴住  
住真而正受  
如月在虛空  
如摩尼眾影  
如來住正定  
譬如形與像  
如是勝丈夫  
非微塵勝性  
亦非餘緣等  
如來以因性  
隨世之所應  
遊戲於三昧  
山川及林野  
眾星與日月  
如是諸世間  
復置於掌內  
佛於定自在  
無能作世間  
盲暗無知者  
計著於有無  
或言一切壞  
如是諸人等  
云何於此中  
佛是遍三界  
觀世如乾城  
亦如夢中色

無量諸佛國  
淨佛子充滿  
以成堅固性  
思惟佛威德  
一切同於佛  
恒遊三昧中  
湛然而正受  
內外以莊嚴  
從於兜率降  
像現從其國  
隨緣眾像生  
影鑒於諸水  
色合而明現  
現影亦復然  
非一亦非異  
成於諸事業  
非時非自在  
而作於世間  
莊嚴其果體  
種種皆明現  
內外無不為  
朋友諸眷屬  
皎境而垂象  
身中盡包納  
散擲如芥子  
牟尼最勝尊  
唯佛之所化  
馳流妄分別  
若我及非我  
或言少分滅  
常自害其身  
而生是諸見  
觀行之大師  
所作眾事業  
渴獸所求水

因於種種業  
佛於方便中  
譬如工巧匠  
亦如海船師  
如來最微妙  
超諸有著根  
是修行定者  
一切觀行人  
佛體最清淨  
遠離於限量  
妙智相應心  
知相皆無性  
破諸相應心  
住於無染路  
諸天乾闥婆  
仙人及外道  
於彼不耽求  
以住本清淨  
天人等見者  
佛非彼此現  
住於圓應道  
異學各不同  
種種眾智法  
悉是諸如來  
國王王臣等  
所有諸儀則  
十方眾寶藏  
悉是天中天  
一切三界中  
種種方便業  
現從兜率降  
歌舞共歡娛  
或如堅利智  
執世之直繩  
雖於一切處

風繩而進退  
自在知見者  
善守於機發  
執挖而搖動  
寂靜無有邊  
淨根之所證  
微妙定所依  
明了心中住  
非有亦非無  
及以能所覺  
最上之境界  
是即見如來  
不著於三昧  
一切皆無染  
阿修緊那羅  
讚歎而供養  
而興世間業  
相應妙理中  
變化之所作  
而同於日月  
現除諸貢高  
隨宜而攝御  
王論三毘陀  
定力持而說  
乃至山林處  
皆從佛出生  
出生清淨寶  
自在威神故  
有諸明智者  
因佛而成就  
嫫女眾圍繞  
日夜常遊集  
舍陵波居士  
與奪而招放  
現為明智者

而在密巖中 寂然無動作  
此大牟尼境 凡愚異分別  
譬如瞽目人 亦猶眾渴獸  
如世觀於幻 夢中諸所取  
天中天境界 佛子見其真  
如是觀行人 如從於睡覺  
那羅與伊舍 梵天娑旦那  
難陀鳩摩羅 劫比首迦等  
處定而思審 於此常迷惑  
去來現在世 一切諸牟尼  
習氣覆於心 亦所不能見  
善哉金剛藏 普行諸地中  
復以佛威神 而居密巖土  
是汝之境界 我今為汝說  
或有妄分別 勝性與微塵  
如工作諸物 種種諸形相  
生唯是法生 滅亦唯法滅  
妄計一切物 細塵能造作  
因能了於果 譬如燈照物  
先不得其相 後壞亦復然  
非於過去中 有體而可得  
未來亦如是 離緣無有性  
一一諸緣內 遍求無有體  
不見性有無 亦無無有見  
於蘊瓶衣等 微細而分別  
三百有六十 邪宗壞正道  
往來生死中 無有涅槃法

### 大乘密巖經妙身生品第二之一

爾時如實見菩薩。有大威力世中自在。其身妙好上服莊嚴。在於佛前避座而立。曲躬合掌一心恭敬。向金剛藏菩薩摩訶薩而作是言。尊者。善能通達自智之境現法樂住。於三乘世間心得無違。為大定師於定自在。能隨順說諸地之相。常在一切佛國土中。為諸上首演深妙法。是故我今勸請尊者。說諸聖人不隨他行。現法樂住內證之境。令我及餘諸菩薩眾得見斯法。安樂修行趣於佛地。獲意生身及言說身。力通自在皆得具足。轉所依止不住實際。如眾彩摩尼現諸色像。於一切佛國說密巖行。金剛藏菩薩摩訶薩言。善哉仁主。能請我說入於密巖無我之法。仁主。先應覺了諸分別境。是

心之相於境界中捨諸分別。仁主。一切世間是分別見見世間體。即於所緣而得三昧。  
我今為汝開示彼法王。應善聽。即說偈言

一切諸世間	譬如熱時焰
以諸不實相	無而妄分別
覺因所覺生	所覺依能現
離一則無二	譬如光共影
無心亦無境	量及所量事
但依於一心	如是而分別
能知所知法	唯知心妄計
若了所知無	能知即非有
心為法自性	及人之所濁
入於八地中	而彼得清淨
九地行禪定	十地大開覺
法水灌其頂	而成世所尊
法身無有盡	是佛之境界
究竟如虛空	心識亦如是
無盡亦無壞	眾德以莊嚴
恒住不思議	密嚴諸佛土
譬如瓶破已	瓦因而顯現
瓦破顯於塵	塵析極微顯
如是因有漏	而成無漏法
如火燒盡木	復於餘處然
味於不動智	轉依離分別
密嚴佛國中	如是而常現
不生眾品類	莫住於世間
捨於一切見	歸依此無我
斷諸相續流	無生亦無壞
盡於一切見	歸依此無我
諸患皆已息	寂住不思議
淨於一切見	歸依此無我
世間種種法	本來無我性
非由擊壞無	及喻之所顯
如火焚薪已	自於是中滅
觀察於三界	無我智亦然
是名現法樂	聖人自智境

依此入諸地 淨除無始惡  
捨離世所依 出世而安住  
其心轉清淨 恒居密嚴土

爾時如實見菩薩及諸王眾俱作是言。金剛自在我等今者咸欲歸依。願示於我歸依之處。於是金剛藏菩薩摩訶薩。以偈答曰

佛體非是有 亦非無有佛  
蘊樹已焚燒 魔軍咸退殄  
住於如來地 密嚴之妙國  
所覺淨無垢 仁主可歸依  
遠離諸分別 證於無處所  
密嚴諸定者 仁主可歸依  
密嚴勝淨刹 眾聖之依處  
觀行者充滿 應歸此嚴土

爾時金剛藏菩薩摩訶薩說是語已。復告如實見菩薩言。仁主。已得住地。諸觀行者觀一切世間。如續像中而有高下。如夢所見端正女色。如石女人忽夢己身誕育於子。如乾闥婆城內諸所施為。如旋火成輪。如空中垂髮。如幻化所作人馬等形樹林花果。如浮雲之影。如奔電之光。皆是虛偽非真實有。分別所成猶工造器。仁主。世間眾生習氣覆心生種種戲論。意與意識及餘諸識。相續而轉五法三性。二種無我恒共相應。譬如瀑流為風所擊起諸波浪。浪起相尋而流不息。阿賴耶識在於世間亦復如是。無始習氣猶如瀑流。為境界風之所飄動。起諸識浪恒無斷絕。仁主。是八種心雖無如是若干體異。而隨緣漸起或一時生。心生之時取諸境界。亦有如是漸頓差別。若於屋宅及諸星宿。軍眾山林枝葉花果如是等處。多是一時或次第取。若在眠夢見昔所更。或想念初生至于老死。及算數眾物尋思句義。觀異文彩受好飲食。於是境界次第了知。或有一時頓取之者。仁主。心性本淨不可思議。是諸如來微妙之藏如金在礦。意從心生餘六亦然。如是多種於世法中而為差別。仁主。阿賴耶識。雖與能熏及諸心法。乃至一切染淨種子。而同止住性恒明潔。如來種姓應知亦然。定不定別體常清淨。如海常住波潮轉移。阿賴耶識亦復如是。諸地漸修下中上別。捨諸雜染而得明現。於是金剛藏菩薩摩訶薩。復說偈言

善哉如實慧 於斯微妙法  
從我已聽聞 心淨能開了  
十方一切國 諸王眾會中  
汝當隨所應 廣為其宣說  
若人聞法已 漸淨阿賴耶  
或作人中王 轉輪四天下  
或復為帝釋 兜率須夜摩

乃至自在宮  
或為色界主  
無想眾生中  
證真而不住  
眾定皆自在  
一心求密嚴  
至於密嚴已  
轉依獲安樂  
無量諸佛子  
為法自在王  
非如外道說  
壞應同有為  
十業上中下  
最上生密嚴  
得解脫智慧  
云何說涅槃  
涅槃若滅壞  
眾生若有終  
應有非生法  
無有非眾生  
眾生界既盡  
是則無能覺  
妄計解脫者  
譬如種已焦  
彼說解脫性  
於解脫妙樂  
遍處及諸禪  
逆順而入出  
於彼不退還  
審知諸法相  
如是而莊嚴  
若言解脫性  
斯人住諸有  
亦壞三和合  
眼色內外緣

而為欲天主  
及生無色天  
受諸禪定樂  
譬如師子吼  
喜樂以相應  
不染著三界  
漸次而開覺  
寂靜常安住  
圍繞以莊嚴  
眾中之最上  
壞滅為涅槃  
死有復生過  
三乘以出生  
諸地轉增進  
如來微妙身  
是滅壞之法  
眾生有終盡  
是亦有初際  
而始作眾生  
而生眾生界  
佛無爾焰法  
亦無有涅槃  
而說於解脫  
燈滅及薪盡  
是壞有成無  
遠離不能證  
無色無想定  
力通皆自在  
亦不恒沈沒  
諸地得善巧  
而來密嚴國  
壞有以成無  
畢竟不能出  
因等四種緣  
和合所生識

世間內外法  
如是等眾義  
若知唯識現  
分別不現前  
是時攀緣離  
捨於世間中  
轉依離龜重  
十種意生身  
作三界之主  
色心及心法  
內外眾世間  
如是諸智者  
相名與分別  
定者能明照  
入佛所讚揚  
若壞三和合  
不固於自宗  
惡習分別者  
譬喻不成立  
五種悉成過  
顛倒不顛倒  
捨離於自宗  
初際等諸見  
大王應當知  
如輪而運轉  
如來以悲願  
如淨月光明  
各順其根性  
涅槃若壞滅  
增上有三種  
四諦及神足  
四緣無色住  
覺支諸地等  
乃至眾聖人  
苦法苦觀智

互力以相生  
一切皆違反  
離於心所得  
亦不住其性  
寂然心正受  
所取能取見  
智慧不思議  
眾妙為嚴好  
而來密嚴國  
不相應無為  
諦觀無別異  
來於密嚴國  
正智及如如  
體性皆平等  
密嚴之淨國  
及以四種緣  
同諸妄分別  
彼之五種論  
諸義皆相違  
惑亂於智眼  
同異法斯壞  
依止他宗法  
皆從滅壞生  
眾生在諸有  
初際不可得  
普應諸有緣  
無處不周遍  
隨宜而說法  
佛有何功德  
解脫亦復然  
念處無礙解  
根力及神通  
有為無為法  
皆依識而有  
及苦隨生智

集智三亦然  
如是十二種  
學人數有十  
家家一往來  
中般與生般  
上流於處處  
如是一切種  
修行觀行者  
菩薩增上修  
十一與十二  
此諸修定者  
所盡非是心  
未來心未至  
心緣不和合  
第四禪無心  
有因謂諸識  
妄想不自覺  
定者觀賴耶  
微妙無所有  
在於密巖中  
密巖諸智者  
恒遊定境中  
密巖定者處  
是故應修習  
欲界有六天  
無色及無想  
若生密巖國  
欲求密巖土  
法智隨生智  
及苦集滅道  
仁者真實見  
與甘蔗月王  
當求密巖國  
如羊被牽拽  
意在於身中

滅道亦如是  
名之為現觀  
第八七返生  
一間而滅度  
有行及無行  
然後般涅槃  
諸智之品位  
下中上不同  
功業最殊勝  
乃至於十六  
復漸滅於心  
亦非心共住  
未至故非有  
非此非彼生  
有因不能害  
意識及五種  
猶如波浪生  
離能所分別  
轉依而不壞  
如月恒明顯  
與佛常共俱  
一味無差別  
定力生於彼  
相應妙定心  
梵魔十二處  
一切諸地中  
於彼為天主  
當修十種智  
世俗知他心  
盡智無生智  
舍君羅帝族  
種姓無殊異  
勿懷疑退心  
喘懼而前却  
似幻獸而住

亦如幻為樹  
如王戲園苑  
意及於意識  
譬如空中雲  
種子賴耶識  
譬如摩尼寶  
離住眾生身  
是決定種姓  
名因於相生  
以諸形相故  
分別從二因  
第七末那識  
諸根意緣會  
心法共相應  
正智常觀察  
從於如是因  
真如非異此  
與理相應心  
此即是諸法  
亦為妄所計  
諸法性常空  
如幻及陽焰  
種種諸形相  
如是執著生  
根境意和合  
與心無別異  
資於互因力  
內證真實智  
是即說圓成  
佛及諸佛子  
若人證斯法  
唱言生已盡  
所作莫不成  
解脫一切苦  
生法二無我

河中之葦荻  
運動諸身分  
心心法共俱  
共聚而無實  
諸習所纏覆  
隨緣現眾色  
體淨而無垢  
亦為大涅槃  
相從因緣起  
而起於分別  
外相心習氣  
應知亦復然  
發生於五識  
如是身中住  
一切諸世間  
而生彼諸果  
諸法互相生  
明了而觀見  
究竟真實性  
一切法不生  
非無亦非有  
乾城等眾物  
名句及文身  
成於遍計性  
熏習成於種  
諸識從此生  
是謂依他起  
現前所住法  
眾聖之境界  
證此名聖人  
即見於真際  
梵行皆已立  
永離於諸有  
滅除眾怖畏  
善能明了知

普燒諸習氣  
從於無始來  
無量眾過惡  
譬如熱鐵團  
解脫者亦爾  
入於無漏界  
此土最微妙  
佛與諸菩薩  
三昧樂現前  
欲生斯土者  
復為諸有緣  
名生本於相  
種種諸分別  
根境瓶衣等  
分別從此生  
若動若非動  
皆因癡暗生  
長短等諸色  
甘苦堅滑等  
善與不善性  
乃至於涅槃  
念念常遷轉  
譬如磁石力  
未那於藏識  
如蛇有二頭  
染意亦如是  
能為我事業  
復與意識俱  
身中煖觸生  
飲食及衣服  
騰躍或歌舞  
持諸眾生身  
於如夢翳等  
起種種分別  
如人在空中

永斷於分別  
戲論而積聚  
一切皆已除  
熱去鐵無損  
惑盡而清涼  
密嚴之妙土  
非餘所能及  
清淨之所居  
以此而為食  
當修真實觀  
如理廣宣說  
相起復從緣  
皆因相而有  
蘊法所合成  
了知而簡異  
一切諸世間  
愚冥以為體  
音聲與香界  
意識之所緣  
有為無為法  
斯為智之境  
皆依識以生  
吸鐵令迴轉  
當知亦復然  
各別為其業  
執取阿賴耶  
增益於我所  
為依而轉謝  
運動作諸業  
隨事而受用  
種種自歡娛  
斯由意功力  
一切諸境界  
不知唯自心  
走索以遊戲

飄危不安固  
分別無所依  
譬如鏡中像  
愚夫此迷惑  
仁主應當知  
於斯遠離處  
持進菩薩等  
遍觀諸億刹  
於彼莊嚴中  
極樂及現喜  
無量億土中  
皆言密嚴國  
無始亦無終  
出過於三有  
自利及利他  
非不此成佛  
要從於密嚴  
常依於正定  
一切國土中  
隨諸眾生類  
十地花嚴等  
勝鬘及餘經  
此經最殊勝  
仁主及諸王  
欲色無色界  
佛已超過彼  
此土諸宮殿  
是一切如來  
佛及諸菩薩  
世尊恒住禪  
依自難思定  
色相無有邊  
極樂莊嚴國  
諸修觀行者  
或見天中天

分別亦如是  
但行於自境  
識種種而見  
非諸明智者  
此三皆識現  
是即名真實  
及聖目乾連  
種種皆嚴好  
此土最殊勝  
乃至於下方  
諸佛所稱讚  
威德化自然  
本昔如來地  
寂靜無所為  
功業悉成滿  
欲中施佛事  
化為無量億  
遊戲諸神通  
如月無不見  
所應而化益  
大樹與神通  
皆從此經出  
眾經莫能比  
宜應盡尊敬  
無想等天宮  
而依密嚴住  
如蓮備眾飾  
淨智之妙相  
常在於是中  
寂靜最無上  
現於眾妙色  
非餘所能見  
世尊無量壽  
色相皆亦然  
赫奕含眾彩

訶利占波色  
孔雀素羅瞿  
或見身羸瘦  
或如千日光  
或見諸菩薩  
或以帝青寶  
或見輪幢文  
或見光麗色  
或見以須彌  
或持大海水  
或見作人王  
輔佐眾圍繞  
或見諸菩薩  
說於自境界  
或說以智定  
得如幻之身  
或示了於境  
諸見皆已除  
譬如膏炷盡  
或有示修行  
衍那之大會  
苦行持戒等  
極樂莊嚴國  
身相如真金  
瑜伽自在者  
斯人之境界  
極樂中之人  
牟尼勝自在  
寶樹名如意  
妙金為碎末  
地蓮及眾花  
如是具嚴飾  
若人有淨信  
愛樂佛功德  
即於佛勝土

真金明月光  
珊瑚蓮電等  
弊服寢茅中  
處大蓮花上  
頂飾龍王髻  
莊嚴為寶冠  
魚螺等眾相  
如蛻而挖空  
置之於右掌  
其狀如牛跡  
冕服當軒宇  
共宣於國化  
最上修行者  
先佛所知法  
速轉於所依  
種種皆無礙  
斷諸取著業  
不受於諸有  
燈滅而涅槃  
一切波羅蜜  
周給無窮盡  
種種諸儀則  
人非胎藏生  
光色常圓滿  
安樂及光明  
百分無其一  
自然隨念食  
定為甘露味  
遊憩於其下  
布地以莊嚴  
數榮而菡萏  
不可得為喻  
善巧行諸禪  
專精以迴向  
蓮華而化生

## 眾相以莊嚴 皎鏡無塵垢

爾時金剛藏菩薩摩訶薩。說是偈已自現其身如一指節。或如芥子乃至毫端百分之一。或現佛身或現獨覺身或現聲聞身。及餘無量種種之形而說於法。或說菩薩入於諸地。了知五法八識三性及二無我。得如幻三昧隨意受身。自在神通力無所畏。皆不退轉淨所依止。入於佛地無漏蘊界常無變易。或說菩薩善能遊履。如夢如像如水中月。諸觀行人所行之道。得首楞嚴三昧十幻喻身。諸究竟願莫不成滿。逮于正覺坐妙蓮花。諸佛子眾所共圍遶。或說菩薩以願力故。現種種形遊諸國土歷事諸佛。是諸菩薩其身微妙不在有無。譬如天仙乾闥婆眾。依須彌住或在虛空。地行眾生所不能覩。彼諸菩薩亦復如是。非觀行者不能得見。或說菩薩得禪自在三昧力故。於十方國土蓮花之宮。示現受生及般涅槃。或說菩薩以三昧力。轉於所依而不住實際。於一切有眾生處差別現身。其心平等如地如水如日如月。或說菩薩以大悲心。愍諸眾生輪轉生死孤窮下賤眾苦所逼。譬如黑蜂依船而住遊於大海。隨船飄蕩或一由旬乃至百千無量由旬。為說非我生死無常。令知速滅剎那不住。或說諸佛及諸菩薩。見一切眾生渴愛迷亂。為分別苦之所逼迫。於無相法中而取於相。虛妄計著有能所取。是能所取縲紲其心。於生死海馳蕩不息。貧窮孤露無有所依。如大海中蛛螫之網。佛及菩薩猶住船人。於諸眾生心生憐愍。欲令解脫生死苦難。隨其所應而為現身。說布施等種種諸行

## 大乘密嚴經卷上

妙身生品第二之餘

爾時普賢眾色大光菩薩摩訶薩。與諸同類持世菩薩。持進菩薩。文殊師利菩薩。神通王菩薩。得大勢菩薩。聖者月菩薩。金剛齊菩薩。大樹王菩薩。虛空藏菩薩等。乃至摩尼寶殿無量諸天。密嚴土中諸佛子眾。并餘佛國來聽法者。聞說密嚴微妙功德於法尊重。決定轉依恒居此土不生餘處。然皆愍念未來眾生。普欲為其而作利益遂共同心。白金剛藏菩薩摩訶薩言。尊者願為我說。一切世間若干色像誰之所作。如陶工埏埴而造瓶等世間眾像。為如是作為不然耶。又如伶人擊動絲竹匏木之類繁會成音。一切世間豈亦如是。如隨一物有三自性。世間眾物已成體相。若未成者。此豈咸在一物中乎。為夜摩天兜率陀天他化自在及以大樹緊那羅作。為是善現色究竟天螺髻梵王無色天作。為是一切諸天主等同心勦力而共作耶。為是此方及他方中諸佛菩薩以變化力。作是一切世間眾像。而於此中起諸迷惑。是迷惑見如陽焰水。譬如瓶處為德所依。一切世間住於處者。非諸德者繫屬於德。亦非是德依於德者。展轉合故眾德集成。如是世間若干色像。為唯惑亂為有住耶。或有言是大梵天王那羅延天自在天作。或謂力沙迦拏提那劫比羅仙自力而作。或有妄執從於勝性自然及時。無明愛業而得生起。諸天仙等及餘一切修世定人悉懷疑惑。為無有體如幻如夢。如熱時焰如乾闥婆城。無始分別有能所取。如蛇二首如起屍行。亦如木人因機動轉。空中垂髮旋火輪耶。爾時金剛藏菩薩摩訶薩。以偈答曰

世間眾色像	不從能作生
非是矩鞞羅	因陀羅等作
亦非大施會	祠祭之福果
毘陀所說因	互違無定義
亦復非無有	能持世間因
所謂阿賴耶	第八丈夫識
運動於一切	如輪轉眾瓶
如油遍在麻	鹽中有鹹味
亦如無常性	普遍於諸色
沈麝等有香	日月光亦爾
非能作所作	非有亦非無
遠離諸外道	一異等眾見
非智所尋求	不可得分別
定心無礙者	內智之所證
若離阿賴耶	即無有餘識
譬如海波浪	與海雖不異

海靜波去來  
譬如修定者  
神通自在人  
觀行者能見  
藏識亦如是  
佛及諸佛子  
藏識持於世  
亦如車有輪  
陶師運輸杖  
藏識與諸界  
內外諸世間  
譬如眾星象  
風力之所持  
如空中鳥跡  
然鳥不離空  
藏識亦如是  
如海起波濤  
藏識亦如是  
譬如水中月  
與水不相離  
藏識亦復然  
如目有童子  
藏識住於身  
遍持壽煖識  
業用曾不停  
世間妄分別  
不了角非有  
分析至微塵  
要待於有法  
有法本自無  
若有若無法  
有無二法中  
若離於所覺  
譬如旋火輪  
皆因少所見

亦不可言一  
內定清淨心  
所有諸通慧  
非餘之所了  
與轉識同行  
定者常觀見  
猶如線貫珠  
隨於業風轉  
器成隨所用  
共力無不成  
彌綸悉周遍  
布列在虛空  
運行常不息  
求之不可見  
頡頏而進退  
不離自他身  
如空含萬象  
蘊藏諸習氣  
及以諸蓮花  
不為水所著  
習氣莫能染  
眼終不自見  
攝藏諸種子  
如雲覆世間  
眾生莫能見  
見牛等有角  
因言兔角無  
求角無所有  
而起於無見  
無見何所待  
展轉互相因  
不應起分別  
能覺即不生  
翳幻等眾事  
而生是諸覺

若離於所因	此覺即無有
名相互相繫	習氣無有邊
一切諸分別	與意而俱起
證於真實境	習氣心不生
從於無始來	沈迷諸妄境
戲論而熏習	生於種種心
能取及所取	眾生心自性
瓶衣等諸相	離心無所有
一切唯有覺	所覺義皆無
能覺所覺性	自然如是轉
習氣擾濁心	凡愚不能見
如海風所擊	波浪無停止
心為境風動	識浪生亦然
種種諸分別	自內而執取
如地無分別	庶物依以生
藏識亦復然	眾境之依處
如人以己手	還自摩握身
亦如象以鼻	取水自霑沐
復似諸嬰兒	以口含其指
如是自心內	現境還自緣
是心之境界	普遍於三有
久修觀行者	而能善通達
內外諸世間	一切唯心現

爾時金剛藏菩薩摩訶薩。說此語竟默然而坐。住無處所微妙之禪。遊法界門入諸佛境。見有無量佛子當來此國住修行地。便從定起放大光明。其光普照欲色無色無想天宮。是光明中復現無量殊勝佛土。有無量佛相好莊嚴。隨諸世間之所欲樂而為利益。皆使受持密嚴名號。彼諸佛子互相觀察而作是言。密嚴佛土能淨眾福滅一切罪。諸觀行人所住之處。於諸佛國最上無比。我等聞名心咸悅樂可共俱往。時諸佛子各從所住而來此國。爾時淨居諸天與阿迦尼吒螺髻梵王同會一處。咸於此土佛及菩薩生希有心請梵王言。天主。我等今者咸興是念。何時當得陪侍天王詣密嚴土。爾時梵王聞是語已。與諸天眾遽即同行。中路遲迴罔知所適。梵王先悟作是思惟。密嚴佛國觀行之境。若非其人何階可至。非是欲色無色諸天及外道神通所能往詣。我今云何而來至此。復自念言。或天中天。假吾威力而能亟往。作是念已發聲歸命。即時見有無量諸佛在於道中威光照曜。時螺髻梵王即白佛言。世尊。我等今者當何所作。而能速詣密嚴佛土。佛告之言。汝可退還。所以者何。密嚴佛國觀行之境。得正定人之所住處。於

諸佛剎最勝無比。非有色者所能往詣。時螺髻梵王聞佛語已。與諸天眾尋還天宮。爾時淨居諸天共相議言。螺髻梵王。有大威力而不能往。當知此土最為殊勝。但是得如幻三昧。諸觀行人所行之境。如是稱揚密嚴功德。其聲展轉靡不傳聞。爾時諸佛子眾來此會者。聞是語已益加欣敬。白金剛藏菩薩摩訶薩言。我等於法深懷渴慕。惟願大明為我宣說。金剛藏言。佛所說法誰能具演。唯除如來之所護念。夫如來者於觀行中最勝自在。所有境界不可思議。云何可為非觀行人開示演說。時持進菩薩及須夜摩諸佛子等。復共同聲請言速說。爾時神通王菩薩。文殊師利菩薩。慈氏菩薩。緊那羅菩薩。及餘無量諸菩薩眾。復作是言。善哉仁者。願速為說。是時復有無量諸天。於虛空中作天妓樂同心勸請。當爾之時螺髻梵王。承佛威力而來此會向金剛藏菩薩摩訶薩。而說偈言

今此諸大會	嚴飾未曾有
悉是尊弟子	聰慧無等倫
皆於尊者處	渴仰而求法
我今猶未知	所問為何等
為問憍羅婆	勝墮及頂生
乃至盛年馬	轉輪王所作
為問甘蔗種	千弓持國王
欲色無色中	人天等之法
為問菩薩行	獨覺及聲聞
乃至阿修羅	星象等眾論
惟願如其事	次第而演說
我等及天人	一心咸聽受

爾時金剛藏菩薩摩訶薩告諸大眾。汝豈不聞螺髻梵王淨居天眾。及諸佛子勤心請法。爾時解脫月菩薩。無盡慧菩薩。虛空王菩薩。持世菩薩。得大勢菩薩。觀自在菩薩。陀羅尼自在菩薩。寶髻菩薩。天冠菩薩。金剛手菩薩。寂靜慧菩薩。寶手菩薩。及餘無量諸億土中俱來佛子。咸共瞻仰金剛藏尊。而說偈言

過去及未來	如來清淨智
尊於佛親受	明了心不疑
此眾皆樂聞	願尊時演說

爾時金剛藏三昧王。普觀大眾。以偈答曰

如來所說法	非我具能演
唯除佛菩薩	威神之所護
我今至心禮	自在清淨宮
摩尼寶藏殿	佛及諸佛子
我以敬心說	如來清淨智

紹隆佛種姓	汝等應聽受
非說過去等	最勝諸王法
但示於密嚴	如來之種姓
佛智甚微妙	牟尼勝功德
正觀之所行	離諸心妄計
是故非我力	能演此甚深
但以佛威神	從佛而聽受
此智最微妙	是諸三昧花
佛在密嚴中	正受而開演
遠離諸言說	及以一切見
若有若無等	如是四種邊
是名最清淨	中道之妙理
密嚴諸定者	於此能觀察
離著而轉依	速入如來地

爾時會中諸佛子眾。聞金剛藏菩薩摩訶薩說是語已。稽首恭敬而白之言。我等於法深生愛樂。如渴思漿如蜂念蜜。今此會中諸佛子眾。於深定智皆得自在有大神力王諸世界。願聞如來所說之法。唯願尊者以梵音聲因陀羅聲。及以如來眾所悅可深遠之音。演殊勝義令得顯了。金剛藏菩薩言。如來所說語義真實希有難見。譬如空中無樹等物而見其影甚為希有。如來所說希有亦然。如空中風及以鳥跡無能見者。牟尼所說種種義趣。難可得見亦復如是。世間之法有智慧者。能以譬喻分明顯說。佛口所宣過諸譬喻非言所及。我之所見譬如夢境乾闥婆城。今此會中諸觀行者有大智慧。於真實義已得明了。我今云何能為是人。說不思議諸佛境界。雖然當承如來威神之力為眾宣述。汝諸佛子咸應諦聽。如來所說文義相應。出過心意非喻所及。譬如妙花眾蜂競採。先至之者取其精粹。後來至者但味其餘。如是如來得法精粹。我味其餘為眾說耳。

即說偈言

天中天境界	增悅諸明智
非心口所能	度量分別說
為欲普降伏	世間憍慢心
云同人之形	佛相為嚴飾
圓光及足輪	種種皆成就
遊處諸宮殿	人天具所瞻
如來四時中	常依密嚴住
而於諸世界	現生及涅槃
淳善少減時	惡生及濁亂
隨諸眾生類	所應而利益

業用無暫停  
密嚴無垢處  
惡生濁亂時  
譬如淨滿月  
如是諸色像  
如來淨智境  
以諸眾生類  
佛以種種身  
或見大自在  
或見迦毘羅  
或見毘陀者  
或見娑旦那  
羅睺熟部等  
甘蔗月種王  
金剛等眾寶  
皆由佛威力  
天女及龍女  
治容而進趣  
欲界中諸境  
色無色亦然  
無想諸定者  
非安非清淨  
有身者所生  
密嚴微妙土  
解脫知見人  
十種大自在  
如佛而嚴飾  
修行於十地  
眾相以莊嚴  
遠離於分別  
無有我意根  
施等諸功德  
得佛勝所依  
此土最微妙  
諸佛及菩薩

密嚴恒不動  
觀行者所依  
顯示如來相  
影遍於眾水  
普現於世間  
智者所觀見  
所樂各不同  
隨宜而應化  
或見毘紐天  
住空而說法  
或復見常行  
鳩摩及尸棄  
乃至緊那羅  
一切所瞻奉  
乃至於鉛錫  
隨應而出生  
乾闥婆之女  
不能惑其心  
如來已降伏  
無有能迷動  
未離於惑纏  
退墮而流轉  
非如密嚴國  
清淨福為嚴  
最勝之依處  
力通三昧法  
意生之妙身  
施等波羅蜜  
其身甚清淨  
亦非無覺了  
慧根常悅樂  
淨業悉圓滿  
密嚴之淨國  
不以日為明  
舒光而普照

其光甚威曜 逾於百千日  
無有晝夜時 亦無老死患  
密嚴最勝處 諸天所希仰  
最上修行者 地地而進修  
了知一切法 皆以心為性  
善說阿賴耶 三性法無我  
其身轉清淨 而來生此國

### 大乘密嚴經胎生品第三

爾時金剛藏菩薩摩訶薩。復告螺髻梵天王言。天主當知。眾生之身九物為性。有為眾相恒共遷動。大種諸色微塵之聚。以諸不淨精血合成。為無量業常所纏覆。譬如毒樹扶踈蓊鬱。貪恚及癡而共增長。經於九月或十月餘。業力驅馳生機運動。從於產門倒首而出。煩冤逼迫受無量苦。天主。此諸眾生或從人中。或從畜生餓鬼羅刹阿修羅等而來生此。或有曾作轉輪之王。乃至天中威力自在。或是持呪外道仙人并其眷屬。或修禪者退失禪定。從如是等處而生此中。既生之已諸根長大。隨所親近宿習因緣而造諸業。復因此業輪迴諸趣。若有智者遇善知識聞法思惟而得解悟。不著文字離諸分別。入三脫門見法真理。最上清淨最上上清淨。而來住此密嚴佛國。於無量億諸佛土中隨宜應現。天主。如是生者永得解脫生死險趣。名為丈夫名為智者。亦復說名天中之天。諸佛子眾所共圍繞。天主。胎藏之身虛偽不實。非自性生亦非無明愛業所生。何以故。無明愛業因相而有。若能了達悉滅無餘。亦無名字及以分別。斯人即生密嚴佛土。天主。若諸定者住於三昧。心有攀緣即為色聲之所誑惑。而生取著不能堅固。此即名為散動之道。是三昧力生於欲界及色無色。乃至無想眾生之處。是人即為三昧所縛。若住三昧善調其心離能所取。離二取已心即不生。是名真實觀行之者。若欲生於密嚴佛國。常當住此真實三昧

### 大乘密嚴經顯示自作品第四

爾時金剛藏菩薩摩訶薩。復告螺髻梵天王言。天主。心有八種或復有九。與無明俱為世間因。世間悉是心心法現。是心心法及以諸根。生滅流轉為無明等之所變異。其根本心堅固不動。天主。世間因緣有十二分。若根若境能生所生剎那壞滅。從於梵世至非非想皆因緣起。唯有如來離諸因緣。天主。內外世間動不動法。皆如瓶等壞滅為性。天主。諸識微細遷流速疾。是佛境界非諸世間仙人外道所能知見。眾仙外道為愛所纏。不能了知心相差別。天主。假使有人勉意勤行。歌讚祠祀毘陀之法而祭於天。經於一月或滿四月。如是一歲至于千歲。生於梵境終亦退還。天主。汝不知耶。三毘陀行所得之果。譬如芭蕉性不堅固。天主。密嚴佛土是諸如來解脫之處從智定得。若樂解脫應善修行。天主。密嚴中人無有眷屬生死之患。其心不為諸業習氣之所染著。如蓮花出水。如虛空無塵。如日月高昇淨無雲翳。一切諸佛恒共攝受。沐淨戒流飲智慧液。得真實解度生死岸。天主。眾生身中諸界五蘊識等眾法。皆無所有。眼色為

緣而生於識。譬如因木火得熾然。天主。一切境界隨妄識轉。如鐵動移逐於磁石。又如陽焰乾闥婆城。是諸渴鹿愚幻所取。此中無有能造等物。但是凡夫心之變異。天主。如乾城之中人眾往來馳驚所作見而非實。眾生之身進止云為亦復如是。如夢中所見寤即非有。世間之人見蘊等法。覺心明照本來寂靜。天主。地等和合微塵之聚。若離於心即無所得。世間諸物可持舉等。孰非大種之所合成。譬如風痰病緣惑亂見種種物。又如起屍無能作者。世間諸法悉亦如是。汝諸佛子應勤觀察。天主。一切世間動植之物。譬如水沫共聚成形。瓶衣等想同於陽焰。苦樂諸受猶如浮泡。行如芭蕉中無有堅。識如幻事虛偽不實。天主。三界之中動不動法。同於夢境迷心所現。亦如幻事乾闥婆城但誑愚夫。若諸佛子於如是法。能正覺知心無所畏。以智慧火焚燒一切。諸患因緣。即生妙樂密巖之土。天主。一切世間皆無有相。相為繫縛無相即解。相是心境心境不實。真實之法是智境界。遠離眾相非心所行。天主。一切諸相是三界法。色聲等法名之為相。諸根境界一切眾生繫縛之因。若能於相而不貪著。眾縛悉除安樂自在

爾時寶髻菩薩摩訶薩。在大眾中坐殊妙座。向金剛藏菩薩摩訶薩而作是言。尊者。於諸億佛國菩薩眾中最高上首。成最上智了所知法。無量悉檀皆已明見。在瑜祇眾能淨彼疑。善知眾生身之本起。能於一劫或一劫餘。以妙音詞演而不倦。何故不為諸仁等說。離諸逆順似非似因。真實之法令諸智者心淨無疑。捨蘊因緣疾得解脫。法與非法是蘊因緣。生於此身及後身故。智能脫苦愛為堅縛。尊者。眾生之心因色與明。作意等緣馳散於境。其心速疾難可覺知。無明愛業以之濁亂。尊者。眾生身中種種諸法。意為先導意最速疾意為殊勝。隨所有法與意相應。彼法皆以意為其性。如摩尼珠顯現眾彩。如是之義仁何不說。又如眾色摩尼之寶。隨所相應種種明現。仁亦如是。具如來像住自在宮。諸佛子眾所共圍繞。亦應如是隨宜說法

爾時金剛藏菩薩摩訶薩言。密巖佛土是最寂靜是大涅槃。是妙解脫是淨法界。亦是智慧及以神通。諸觀行者所止之處。本來常住不壞不滅。水不能濡風不能燥。非如瓶等勤力所成尋復破壞。非諸似因及不似因之所成立。何以故。宗及諸分是不定法。諸宗及因各差別故。密巖佛土。是轉依識超分別心。非諸妄情所行之境。密巖佛土是如來處。無始無終非微塵生。非自性生非樂欲生。不從摩醯首羅而生。亦非無明愛業所生。但是無功用智之所生起。出過欲界及色無色無想天中闇冥之網。密巖佛土阿若悉檀。非因明者所量境界。亦非勝性自在聲論毘陀如是等宗之所顯示。乃至於資糧位智慧之力不能照了。唯是如來十地所修清淨智境。諸仁者。一切凡夫迷於世間為業非業。我今當說業非業義。令諸定者獲於安樂。即說偈言

內外一切物	所見唯自心
眾生心二性	能取及所取
心體有二門	即心見眾物
凡夫性迷惑	於自不能了
所見眾境界	皆是自所為

瓶等相現前  
諸仙智微劣  
捨於真實理  
是心有二性  
亦如水現月  
毛輪瓔珞珠  
但從病醫眼  
瓶衣皆自識  
虛妄計著人  
眾生及瓶等  
內外雖不同  
此密嚴妙定  
若有能修行  
或生欲自在  
乃至無想宮  
空識無所有  
如是諸地中  
住彼非究竟  
佛子眾圍遶  
汝應修此定  
眷屬相羈縛  
男女相耽愛  
如蟲生臭泥  
九月或十月  
時至出母胎  
從此而長大  
我觀諸眾生  
父母無有數  
一切諸世間  
譬如石女人  
捧對方歡樂  
悲哀不自勝  
不見有其子  
又夢山川中  
人眾悉充滿

求之悉無體  
不能明了知  
而行分別路  
如鏡含眾像  
翳者見毛輪  
此皆無所有  
若斯而顯現  
眾生亦復然  
不知恒執取  
種種諸形相  
一切從心起  
非餘之所有  
生於眾福地  
及以色界天  
阿迦尼吒處  
非想非非想  
漸次除貪欲  
尋來生密嚴  
自在而遊戲  
何為著親屬  
輪迴生死因  
精血共和合  
此中生亦爾  
諸根漸成就  
譬如蟲蠕動  
乃至心了知  
生生悉如此  
妻子亦復然  
無處不周遍  
夢已忽生子  
尋又見其亡  
忽然從睡覺  
初生及後終  
田野村城邑  
共營諸業務

彼此互相見  
及從於睡覺  
復有多欲人  
姿容極姝麗  
在夢極歡娛  
一切世間事  
王位及軍旅  
但誑於凡夫  
汝於如是定  
無量諸聲聞  
在於空閑處  
或住於乳海  
須彌與臚陀  
雞羅婆利師  
或在劫波樹  
拘鞞羅樹下  
食闍浮果味  
具足諸神通  
過去未來世  
結跏身不動  
諸根善調攝  
譬如象得鈎  
世間若出世  
佛定淨無垢  
遍處無色定  
見日月蓮花  
若離是分別  
即於三昧中  
一時共舒手  
如是入佛地  
具足眾色身  
力通諸自在  
如是等功德  
分析於諸色  
自性無所有

猶如世所為  
一切皆非有  
夢瞻於女色  
服玩皆珍綺  
覺已即無見  
當知悉如是  
父母等宗親  
體性皆非實  
何故不勤修  
獨覺及菩薩  
山林恒寂靜  
及以摩羅延  
摩醯因陀羅  
乃至雪山等  
波利耶多羅  
半柱婆羅上  
及諸不死食  
而常修此觀  
常坐於蓮花  
正定恒觀察  
不散於眾境  
離欲而三昧  
一切諸定中  
貪愛皆除遣  
無想等禪中  
水火虛空相  
其心不動搖  
見無量諸佛  
以水灌其頂  
一切皆明覺  
隨宜而普現  
三昧陀羅尼  
莫不皆成就  
乃至觀微塵  
譬如彪兔角

無分無分者 蘊有蘊亦然  
同於幻所作 一切皆如是  
此中無業果 亦無作業人  
無能作世間 設有非能作  
能作待於作 何名能作人  
此言成過失 說者非清淨  
若謂云何有 水輪與地輪  
及眾生世間 次第而安布  
諸趣各差別 彼此互往來  
誰復作諸根 隨情取於境  
此等皆分別 展轉而變異  
同於乳酪酥 如是生住滅  
若業若非業 於斯生妄計  
定者常觀此 如夢與乾城  
眾生無始來 戲論所熏習  
生起於分別 種種眾過咎  
諸根猶如幻 境界同於夢  
能作作及業 定者不分別  
智慧微劣者 妄生諸惡見  
計有於能作 作一切世間  
或謂摩尼珠 金銀等眾礦  
鳥獸色差別 刺端織以利  
此等誰所為 當知無作者  
世間非勝性 微塵等緣作  
亦非無有因 自然而得有  
惑心妄計者 不知其體性  
為業為非業 如是而分別  
如毒入於乳 隨變與相應  
諸法亦復然 分別常俱起  
法性非是生 亦非是滅壞  
惑者不能了 種種異分別  
定者應觀察 世間唯積聚  
若業若非業 於此勿思惟  
諸趣互來往 譬如於日月  
在空無所依 隨風而運轉

業性甚微隱	密嚴者能見
修行觀行人	不為其所縛
譬如火燒木	須臾作灰燼
智火焚業薪	當知亦如是
又如燈破闇	一念盡無餘
諸業之闇冥	多劫所熏聚
牟尼智燈照	剎那悉除滅

### 大乘密嚴經分別觀行品第五

爾時金剛藏菩薩摩訶薩復告大眾。諸仁者。譬如有人在空閑地。以泥瓦草木葺之成宇。既而諦觀一一物中無舍可得。又如多指共合成拳。離指求拳即無所有。軍徒車乘城邑山林。瓶衣等物一切皆是和合所成。智者觀之悉如夢事。凡夫身宅亦復如是。諸界積集。譬如高山危脆不安同於朽屋。不生不滅非自非他。如乾闥婆城。如影如雲如陽焰如續像。雖可現觀性常清淨。遠離一切有無分別。如盲與跛相假而行無決定性。乃至分析至於微塵。但有空名都無實物。若諸定者作是思惟。即於色聲等法不生覺念。誰覺念已心得休息。泰然解脫不受諸有。常樂修行甚深禪定。諸天仙等端正女人而來供養。如觀夢事不生染著。身雖在此。諸仙外道持呪之人。乃至梵天不能見頂。是人不久生摩尼寶藏宮殿之中。遊戲神通具諸功德。此觀行法是大心者所行境界。仁應速發廣大之心。大心之人疾得生於光明宮殿。離諸貪欲瞋恚愚癡。乃至當詣密嚴佛土。此土廣博微妙寂靜。無諸老死衰惱之患。遠離眾相非識所行。妄計之人所不能得。諸仁者。此土清淨觀行所居。若懷希仰當勤修習。斷貪瞋癡離我我所。何以故。貪等煩惱取諸境界。若取於境即三覺生。如有女人端正可憙。有多欲者見已生著欲心迷亂。若行若坐飲食睡眠。專想思惟更無餘念。彼女容相常現於心。此心即為境界淤泥之所濁亂。是故於境不應貪著。諸仁者。譬如有人見牛鹿山羊有角之獸。即於彪兔生無角解。若使不見牛等有角。於彪兔等決定不生無角之見。世間妄見悉亦如是。妄有所得起有分別。後求其體不可得故。便言諸法決定是無。乃至未離分別之心。常生如是不平等覺。諸仁者。應以智慧審諦觀察。心之所行一切境界。皆如妄計見牛兔等。若諸佛子作如是觀。隨其意樂或生人中為轉輪王。有大威力騰空來往。或生日月星宿之宮。四天王天三十三天。夜摩天兜率陀天。乃至自在天主摩尼藏殿。或生色界梵身等天。修行定者十梵之處。無煩無熱善見善現阿迦尼吒。空處識處無所有處非想非非想處。住於彼已漸除貪欲。從此而生清淨佛土。常遊妙定至真解脫。爾時金剛藏菩薩摩訶薩。復說偈言

如因瓶破	而成於瓦	剎那各別
恒是無常	因種生芽	芽生種壞
又如陶匠	以泥作瓶	泥是奢摩
瓶如其色	若復兼用	餘色泥作

火燒熟已	各雜色生	箭竹生蘊
角生於蒜	不淨之處	蠅生於蟲
世間之中	有果似因	或有諸物
不似因者	皆因變壞	而有果生
微塵等因	體不變壞	不應妄作
如是分別	無能作我	內我勝我
亦無我意	境界諸根	和合為因
而生於識	智者方便	善知眾境
破煩惱等	一切諸魔	世有貪愛
如淡得蜜	貪愛若除	眾縛悉解
如蛇螫物	瞋毒亦然	生死趣中
多所惱害	諸仁若欲	令彼除盡
宜各勤心	修於觀行	

### 大乘密嚴經阿賴耶建立品第六

爾時金剛藏菩薩摩訶薩復告眾言。諸仁者。我念昔曾蒙佛與力而得妙定。廓然明見十方國土修世定人。及佛菩薩所住之處。於如是處中密嚴佛土安樂第一。諸佛菩薩數如微塵處蓮華藏。我於爾時一心瞻仰。尋從定出即自見身。與諸菩薩在密嚴土。復於爾時見解脫藏住在宮中。其量大小如一指節。色相明潔如阿怛斯花。亦如空中清淨滿月。我時見已便生念言。此為是誰。而有如是不思議事。作是念時。即見我身在其身內。於中普見一切世間。爾時蓮花藏中無量菩薩。以佛神力亦如是見咸生是念。此為希有不可思議。時天中天所為事畢還攝神力。諸菩薩等悉復如故。我時見此希有事已。知諸菩薩種種變現。是佛境界不可思議諸仁者。如來昔為菩薩之時。從初歡喜至法雲地。得陀羅尼句義無盡。及首楞嚴等諸大三昧。意生之身八種自在。如應而現遊戲神通名稱光明。如是等一切功德悉已成就。轉復清淨逮成正覺。住密嚴土隨宜變化。佛及菩薩種種色像。自然周遍一切世間轉妙法輪。令諸眾生速滅癡闇修行善法。或有菩薩見佛身相尸利婆蹉等。具足莊嚴自然光明猶如盛火。與諸菩薩住如蓮華清淨之宮。常遊妙定以為安樂。或見大樹緊那羅王。現百千億種種變化。如月光明遍諸國土。或見無量佛子。智慧善巧眾相莊嚴。頂飾寶冠身佩瓔珞。住兜率陀等諸天之宮。或見普賢有大威力。得一切智無礙辯才。身相光明獨無倫比。所居宮殿如淨滿月。雖住密嚴正定之海。而現眾色像靡不周遍。一切賢聖所共稱譽。無量天仙乾闥婆等。國王王子并其眷屬圍繞侍衛。或復見有觀行之師。諸佛子眾所共圍繞。住禪寂靜猶如睡眠。而離昏沈懈怠等過。悉曾侍奉無量諸佛。或復有見為大導師。降神誕生出家苦行。一心正定乃至涅槃。於虛空中行住坐臥現諸神變。令閻浮提至色究竟。諸天人等莫不瞻仰。諸仁者。諸佛體性唯佛所知。佛之智慧最上無比。如釋迦牟尼人中師子之所已得。汝諸佛子咸當得之。是故仁等應生淨信。信為佛體必當解脫。斯人或作轉輪聖王

及諸小王。乃至或生梵天等宮而為天主。是諸佛子轉復精進。於蓮花藏清淨佛土。與諸菩薩蓮花化生。入一乘道離貪等習。乃至降伏欲界天魔。夫精進者志無怯弱。光隆佛家王諸國土。諸仁者。若欲作佛當淨佛種性。淨種性已必為如來之所授記成無上覺。利益一切諸修行者。譬如大地與諸眾生而作所依。又如良醫善調眾藥。周行城邑普心救療。佛亦如是。平等教化心無分別。設有眾生割截肌膚心亦不動。諸仁者。內外境界心之所行。皆唯是識惑亂而見。此中無我亦無我所。能害所害害及害具。一切皆是意識境界。依阿賴耶如是分別。譬如有人置珠日中。或因鑽燧而生於火。此火非是珠燧所生亦非人作。心意識亦復如是。根境作意和合而生。此性非如陽焰夢幻迷惑所取。亦不同於龜蛙之毛及以兔角。如霹靂火。為從水生為從電生為雷生耶。無能定知此所從生。如見陶師造於瓶等。欲等心法與心共生。亦復如是。諸仁者。心之體性不可思議。密嚴中人善能知見。諸仁者。一切眾生阿賴耶識。本來而有圓滿清淨。出過於世同於涅槃。譬如明月現眾國土。世間之人見有虧盈。而月體性未嘗增減。藏識亦爾。普現一切眾生界中。性常圓潔不增不減。無智之人妄生計著。若有於此能正了知。即得無漏轉依差別。此差別法得者甚難。如月在雲中性恒明潔。藏識亦爾。於轉識境界習氣之中而常清淨。如河中有木隨流漂轉。而木與流體相各別。藏識亦爾。諸識習氣雖常餘俱不為所雜。諸仁者。阿賴耶識恒與一切染淨之法而作所依。是諸聖人現法樂住三昧之境人天等趣。諸佛國土悉以為因。常與諸乘而作種性。若能了悟即成佛道。諸仁者。一切眾生有具功德威力自在。乃至有生險難之處。阿賴耶識恒住其中作所依止。此是眾生無始時界。諸業習氣能自增長。亦能增長餘之七識。由是凡夫執為所作能作內我。諸仁者。意在身中如風速轉。業風吹動遍在諸根。七識同時如浪而起。外道所計勝性微塵自在時等。悉是清淨阿賴耶識。諸仁者。阿賴耶識由先業力及愛為因。成就世間若干品類。妄計之人執為作者。此識體相微細難知。未見真實心迷不了。於根境意而生愛著。爾時金剛藏菩薩摩訶薩。復說偈言

汝等諸佛子	云何不見聞
藏識體清淨	眾身所依止
或具三十二	佛相及輪王
或為種種形	世間皆悉見
譬如淨空月	眾星所環繞
諸識阿賴耶	如是身中住
譬如欲天主	侍衛遊寶宮
江海等諸神	水中而自在
藏識處於世	當知亦復然
如地生眾物	是心多所現
譬如日天子	赫奕乘寶宮
旋繞須彌山	周流照天下

諸天世人等  
藏識佛地中  
十地行眾行  
普與眾生樂  
在於菩薩身  
佛與諸菩薩  
佛及諸佛子  
廣大阿賴耶  
密嚴諸定者  
能於阿賴耶  
佛及辟支佛  
見理無法人  
種種諸識境  
瓶衣等眾物  
悉依阿賴耶  
以諸習氣故  
此性非如幻  
非生非不生  
譬如長短等  
智者觀幻事  
未曾有一物  
幻焰及毛輪  
離一無和合  
幻事毛輪等  
此皆心變異  
世中迷惑人  
妄說有能幻  
幻師甄瓦等  
動轉若去來  
如鐵因磁石  
藏識亦如是  
一切諸世間  
如日摩尼寶  
此識遍諸處  
不死亦不生

見之而禮敬  
其相亦如是  
顯發大乘法  
常讚於如來  
是即名菩薩  
皆是賴耶名  
已受當受記  
而成於正覺  
與妙定相應  
明了而觀見  
聲聞諸異道  
所觀皆此識  
皆從心所變  
如是性皆無  
眾生迷惑見  
所取能取轉  
陽焰及毛輪  
非空亦非有  
離一即皆無  
此皆唯幻術  
與幻而同起  
和合而可見  
過未亦非有  
在在諸物相  
無體亦無名  
其心不自在  
幻成種種物  
所作眾物類  
此見皆非實  
所向而轉移  
隨於分別轉  
無處不周遍  
無思及分別  
見之謂流轉  
本非流轉法

定者勤觀察 生死猶如夢  
是時即轉依 說名為解脫  
此即是諸佛 最上之教理  
審量一切法 如稱如明鏡  
又如大明燈 亦如試金石  
遠離於斷滅 正道之標相  
修行妙定者 至解脫之因  
永離諸雜染 轉依而顯現

大乘密嚴經卷中

目識境界品第七

爾時金剛藏菩薩摩訶薩。遍觀十方從髻珠中放大光明。其光普照一切國土及密嚴中諸菩薩眾。放斯光已即告如實見菩薩言。仁主。雪山之中有一惡獸名為能害。變詐百千以取諸獸殺之而食。若見牝鹿有子之者。便為子聲悲鳴相呼。若有牝鹿便現有角。與其相似而往親附。彼無驚懼殺而食之。見牛馬等種種諸獸。悉同彼形而肆其惡。仁主。一切外道。於阿賴耶所生我見。亦復如是。如彼惡獸變種種形。著我之人所執我相。各各差別乃至極小。猶如微塵。仁主。是諸我執於何而住。不住於餘但住自識。計我之人言。我與意根境和合。意等和合而有識生本無有我。如衣與花和合而有香氣。未和合時無香可得。是故當知。但唯有識心及心法。無別有我如盤中果。如籠中燈。如伊尸迦文闍之草而可得者。但以因緣心心法生。此中無我亦無有生。微妙一相本來寂靜。是諸佛菩薩觀行之人內證境界。諸外道等不了唯識生於我見。無知法智而強分別執著有無。若一若多我我所論。如彼惡獸多所傷殺。此亦如是。令諸眾生於生死中馳驚往來。不肯親近佛及菩薩諸善知識。展轉遠離無歸向時。違背聖道失於己利。於三乘中乃至不得一乘之法。為取所縛不見真諦。不得預於密嚴之土。乃至名字亦不得聞。仁主。諸觀行人咸於此識淨除我見。汝及諸菩薩摩訶薩亦應如是既自勤修。復為人說令具速入密嚴佛土

大乘密嚴經阿賴耶微密品第八

爾時眾中有菩薩名曰寶手。白眾色最勝王言。王應請問金剛藏。住三昧者。一切世間所有眾法。離諸分別及以名字不相應名相應之名。彼法自性於何而住。此諸佛子專心願聞。時眾色最勝王。即隨其義而問之曰

名想等境界	一切世間法
為唯是分別	為離分別有
如其所立名	是名何所住
金剛自在者	願為我宣說

爾時金剛藏菩薩摩訶薩。以偈答曰

世間種種法	一切唯有名
但想所安立	離名無別義
四蘊唯名字	是故說為名
如名摩納婆	但名無有體
佛及諸佛子	說名唯在相
離相而有名	不作是分別
是故依於相	分別種種名
譬如袂吐等	此皆無有實

凡夫所分別  
是故世間法  
瓶衣車乘等  
色相雖可說  
世間眾色法  
唯依相立名  
王應觀世法  
但以分別心  
若離於分別  
無生即轉依  
是故大王等  
但是分別心  
形相體增長  
如是等眾名  
想名及分別  
隨於世俗義  
若捨離名字  
過去及未來  
能知諸識起  
所知唯是名  
以名分別法  
諸法性如是  
以法唯名故  
想無名亦無  
若得無分別  
如木火燒已  
譬如人負擔  
隨其擔有殊  
名如所擔物  
以名種種故  
如見杙為人  
人杙二分別  
諸大和合中  
若離於諸大  
如德依瓶處

莫不皆依相  
離相即皆無  
名言所分別  
體性無所有  
但相無有餘  
是名無實事  
離名無所有  
而生於取著  
取著即不生  
證於無盡法  
常應觀想事  
離此即無有  
散壞質與身  
皆唯色之想  
體性本無異  
建立而不同  
而求於物體  
此皆無所得  
無有所知法  
世法悉如是  
法不稱於名  
不住於分別  
想即無有體  
何處有分別  
身心恒寂靜  
畢竟不復生  
是人名擔者  
擔者相差別  
分別名擔者  
分別各不同  
見人以為杙  
但有於名字  
分別以為色  
色性即無有  
瓶依名亦然

捨名而取瓶  
瓶不住瓶體  
二合生分別  
住於如是定  
譬如金石等  
與火共和合  
藏識亦如是  
諸識共相應  
如鐵因磁石  
二俱無有思  
賴耶與七識  
習繩之所繫  
普遍眾生身  
如鐵與磁石  
或離於險道  
神通自在力  
乃至陀羅尼  
讚佛實功德  
或現無量身  
肩頭口及舌  
往詣十方國  
或雨眾妙花  
其積甚高廣  
供養於如來  
或作寶宮殿  
化現諸天女  
妓樂眾妙音  
或與佛菩薩  
一切眾魔怨  
得自證三昧  
闡揚五種法  
相續無暫停  
或現身為小  
復現為大身  
種種諸色相

瓶終不可得  
名豈住於名  
名量亦非有  
其心不動搖  
本來無水相  
若水而流動  
體非流轉法  
與法同流轉  
周迴而轉移  
狀若有思覺  
當知亦復然  
無人而若有  
周行諸險趣  
展轉不相知  
而得住諸地  
如幻首楞嚴  
莫不皆成滿  
以之為供養  
一身無量手  
展轉皆無量  
供養諸如來  
寶衣及瓔珞  
如須彌等山  
及以諸菩薩  
如雲備眾彩  
遊處於其中  
供養於諸佛  
遊止常共俱  
自在而降伏  
已轉於所依  
八識及無我  
一心而供養  
其量如微塵  
無邊不可測  
以供養如來

或於自身中  
復以諸世界  
大海為牛跡  
是中諸眾生  
一切所資用  
如日月如地  
又如大寶洲  
諸法不生滅  
一異及來出  
妄立種種名  
諸法猶如幻  
陽焰水中月  
此中妄所取  
種種諸名字  
此皆無所有  
一切世間法  
斯皆但有名  
如是遍計性  
眼色等為緣  
聲依桴鼓發  
宮殿及瓶衣  
眾生若諸法  
若法是無漏  
證智所從生  
諸法相差別  
若離自性門  
如人以眾物  
色相雖不同  
世事悉如是  
妄情之所執  
譬如摩尼寶  
世間亦復然  
體用無所在  
如乾闥婆城  
亦非無有因

普納諸世界  
置之於芥子  
牛跡海亦然  
身心無所矯  
平等而饒益  
如水及火風  
亦如良妙藥  
不斷亦不常  
如是悉無有  
是為遍計性  
如夢與乾城  
火輪雲電等  
是為遍計性  
說於種種法  
是為遍計性  
不離於名色  
離名無別義  
我說為世間  
而起三和合  
芽從地種生  
無非眾緣起  
此悉依他性  
其義不可捨  
此性名真實  
已說其自性  
諸法不明了  
幻作種種形  
性皆無決定  
種種皆非實  
遍計無有餘  
隨色而像現  
但隨分別有  
是為遍計性  
非城而似城  
而能如是現

世間種種物  
日月及諸山  
體相各差別  
自他及與共  
但是所分別  
諸物非因生  
若有若非有  
名依於相起  
正智及如如  
心如相顯現  
意及五心生  
習氣無有始  
心因習氣生  
依止賴耶識  
心如境界現  
七識阿賴耶  
如是八種識  
一切諸世間  
有計諸眾生  
發生種種識  
或有妄計言  
生於梵天等  
世間非作者  
但是阿賴耶  
藏識非緣作  
諸識雖流轉  
賴耶體常住  
如輪與水精  
從此生習氣  
復增長餘識  
如是常輪轉  
譬如火燒木  
此木既已燒  
依止賴耶識  
漸除諸有漏

應知悉亦然  
屋宅煙雲等  
未嘗有雜亂  
體性皆不成  
遍計之自性  
亦非無有因  
此皆情所執  
二從分別生  
遠離於分別  
相為意所依  
猶如海波浪  
境界亦復然  
境令心惑亂  
一切諸種子  
是說為世間  
展轉力相生  
不常亦不斷  
似有而安布  
我等三和合  
了別於諸境  
作者業因故  
內外諸世間  
業及微塵作  
變現似於境  
藏亦不作緣  
無有三和合  
眾識與之俱  
亦如星共月  
新新自增長  
餘識亦復然  
悟者心方息  
漸次而轉移  
復更燒餘木  
無漏心亦然  
永息輪迴法

此是現法樂	三昧之境界
眾聖由斯道	普詣十方國
如金在礦中	無有能見金
智者善陶鍊	其金乃明顯
藏識亦如是	習氣之所纏
三昧淨除已	定者常明見
如酪未攢搖	酥終不可得
是故諸智者	攢酪而得酥
藏識亦復然	諸識所纏覆
密嚴諸定者	勤觀乃能得
密嚴是大明	妙智之殊稱
佛子勤修習	常生此國中
色及無色界	空識非非想
於彼常勤修	而來生此處
此中諸佛子	威光猶日月
住於修行地	演說相應旨
如來所證法	隨見而轉依
一切佛世尊	灌頂授其位
雖住密嚴土	應物隨所宜
在空而變化	若見或聞法

爾時金剛藏菩薩摩訶薩復告大眾。諸仁者。阿賴耶識。從無始來為戲論熏習諸業所繫輪迴不已。如海因風起諸識浪。恒生恒滅不斷不常。而諸眾生不自覺知。隨於自識現眾境界。若自了知如火焚薪。即皆息滅入無漏位名為聖人諸仁者。阿賴耶識變似眾境。彌於世間染意攀緣執我我所。諸識於境各各了別。諸仁者。心積集業意亦復然。意識了知種種諸法。五識分別現前境界。如瞽目者見似毛輪。於似色心中非色計色。諸仁者。如摩尼寶體性清淨。若有置於日月光中。隨其所應各雨其物。阿賴耶識亦復如是。是諸如來清淨之藏。與習氣合變似眾色周於世間。若無漏相應即雨一切諸功德法。如乳變異而成於酪乃至酪漿。阿賴耶識亦復如是。變似一切世間眾色。如瞽目者以瞽病故見似毛輪。一切眾生亦復如是。以習氣翳住藏識眼生諸似色。此所見色譬如陽焰遠離有無。皆阿賴耶之所變現。諸仁者。依於眼色有似色識。如幻而生住於眼中。其相飄動如熱時焰。諸仁者。一切眾色皆阿賴耶。與色習相應變似其相非別有體。同於愚夫妄所分別。諸仁者。一切眾生若坐若臥若行若立。昏醉睡眠乃至狂走。莫不皆是阿賴耶識。譬如盛日舒光燭地氣蒸飄動。猶如水流渴獸迷惑向之奔走。阿賴耶識亦復如是。體性非色而似色現。分別之人妄生取著。如磁石力令鐵轉移。雖無有心似有心者。阿賴耶識亦復如是。為生死法之所攝持。往來諸趣非我似我。如水中有物

。雖無思覺而隨於水流動不住。阿賴耶識亦復如是。雖無分別依身運行。如有二象掙力而鬪。若一被傷退而不復。阿賴耶識應知亦然。斷諸染分更不流轉。譬如蓮花出離淤泥。皎潔清淨離諸塵垢。諸天貴人見之珍敬。阿賴耶識亦復如是。出習氣泥而得明潔。為諸佛菩薩大人所重。如有妙寶世所希絕。在愚下人邊常被污賤。智者得已獻之於王。用飾寶冠為王所戴。阿賴耶識亦復如是。是諸如來清淨種性。於凡夫位恒被雜染。菩薩證已斷諸習氣。乃至成佛常所寶持。如美玉在水蛙衣所覆。阿賴耶識亦復如是。在生死海為諸惡習覆而不現。諸仁者。阿賴耶識有能取所取。二種相生如蛇有二頭。所樂同往此亦如是。與色相俱世間之人取之為色。或計我我所若有若無。能作世間於世自在。諸仁者。阿賴耶識雖種種變現而性甚深。無智之人不能覺了譬如幻師幻作諸獸。或行或走。相似眾生都無定實。阿賴耶識亦復如是。幻作種種世間眾生而無實事。凡愚不了妄生取著。起微塵勝性自在丈夫有無等見。諸仁者。意能分別一切世間。是分別見如畫中質如雲中形。如翳夢者所見之物。如因陀羅弓。如乾闥婆城。如谷響音。有陽焰水。如川影樹。如池像月。分別之人於阿賴耶如是妄取。若有於此能正觀察。知諸世間皆是自心。是分別見即皆轉滅。諸仁者。阿賴耶識是意等諸法習氣所依。為分別心之所擾濁。若離分別即成無漏。無漏即常猶如虛空。若諸菩薩於阿賴耶而得三昧。則生無漏禪定解脫方便力自在神通。如是等諸功德法。十究竟願意生之身。轉於所依識界常住。同虛空性。不壞不盡。諸仁者。如來普見一切世間無有增減。般涅槃者非是壞滅。亦無非眾生而今始生。十方國土同一法性。諸佛出世不出世間。一切諸法住於法性不常不斷。若解脫者眾生界滅即壞如來一切智性。去來今佛所知之法不得平等。又若涅槃眾生滅者誰離於苦。有餘無餘降魔等事皆是妄說。是故當知。諸觀行者證於解脫其身常住。離眾有蘊滅諸習氣。譬如熱鐵投之冷水。熱勢雖除而鐵不壞。此亦如是。諸仁者。阿賴耶海為戲論龐重所擊。五法三性諸識波浪相續而生。所有境界其相飄動。於無義處中似義而現。諸仁者。阿賴耶識行於諸蘊稠林之中意為先導。意識決了色等眾境。五識依根了現境界。所取之境莫不皆是阿賴耶識。諸仁者。阿賴耶識與壽命煖觸和合而住。意住於此識復住意。所餘五識亦住自根。諸仁者。心意及識住於諸蘊。為業所牽流轉不息。諸所有業因愛而起。以業受身身復造業。捨此身已更受餘身如步屈蟲行。心及心法生於諸趣。復更積集稠林之蘊。諸仁者。壽煖及識。若捨於身身無覺知同於木石。諸仁者。藏識是心執我名意。取諸境界說之為識。諸仁者。心能持身意著諸趣。意識遍了五現分別。諸仁者。藏識為因生於諸識。意及意識又從所緣無間而起。五識復待增上緣生。以同時自根為增上故。諸仁者。身如起屍亦如陽焰。隨於諸行因緣而轉。非是虛妄亦非真實。為愛所牽性空無我。諸仁者。意等諸識與心共生。五識復與意識同生。如是恒時大地俱轉。諸仁者。阿賴耶識為愛所熏而得增長。自增長已復增餘識如輪不絕。以諸識故眾趣得生。於諸趣中識復增長。識與世間更互為因。如河中流前後不斷。如芽與種相續而生。各各差別分明顯現。識行亦爾。三和合已復更和合。差別而生無有斷絕。內外眾法因茲而起。一切凡

夫不了自心。汝諸佛子應勤觀察。爾時眾色最勝王等。復向金剛藏菩薩摩訶薩。而作是言

金剛三昧藏	得無所畏者
善入於密嚴	能演一切法
佛及諸佛子	三昧正思惟
所見諸法相	微妙最無比
惟願大智者	為我等宣說
尊者恒安住	摩尼月藏宮
坐於師子座	菩薩眾圍遶
願為諸瑜祇	說密嚴定法
此是月幢佛	為眾所開演
彼眾當來此	願說而無倦

爾時月幢世尊。無量分身在於欲色諸天宮殿。有無央數菩薩及諸天等圍遶供養。說密嚴中諸無畏者所修觀行實相之法。彼諸菩薩聞說是已。得內證智相應三昧。心不樂於正位之樂不住實際。即於定中互相觀察。心各念言其誰已見。證於實相觀行之首。云何而得見斯人乎。心生渴仰僉然而住。彼諸佛子復更思惟。何者是定。云何非定。於何所定孰是其定。所待之緣。作是念已。以三昧力見密嚴土中菩薩之王。首戴寶冠三十二相以為嚴飾。彼諸菩薩便從定起著上好衣。從他方無量佛國而來此會。一心瞻仰金剛藏尊。爾時金剛藏菩薩摩訶薩。周顧四方見諸大眾。便生覺念將欲說法。熙怡微笑發和雅音。而說偈言

汝等諸佛子	咸應一心聽
定境難可思	非分別所了
定及於定者	定緣亦復然
離諸欲不善	而有於覺觀
寂靜生喜樂	是謂入初禪
如是漸次第	四八至于十
外道著我者	常修此諸定
一切聲聞眾	辟支佛亦然
了知於世間	諸法之自相
蘊處如空宅	此中無有我
無思無動作	如機關起屍
但有三和合	本無能作者
外道修定人	起於定性見
此人迷法相	壞於一切法
若有能修行	如來微妙定

善知蘊無我  
一切唯有識  
無能相所相  
分析至微塵  
地水等眾物  
不知其性者  
惡色與好色  
譬如虛空中  
思惟如骨瓊  
及遍處想觀  
身有色無色  
若於緣一心  
如其所分別  
非定非定者  
定者在定中  
法及諸法相  
獲於勝定者  
破諸修定人  
若人生小智  
自謂誠諦言  
計著諸法相  
無能相所相  
甜性能除熱  
辛物變於冷  
身中有痰熱  
或復但因風  
以病各差別  
石蜜并六分  
能除眾生身  
若法有自性  
藥無除病能  
云何世人見  
定者觀世間  
變異而流轉  
無能相所相

諸見悉除滅  
諸法相皆無  
無界亦無蘊  
此皆無所住  
皆從分別生  
取於如是相  
似色餘亦然  
雲霓等眾彩  
遍滿於世間  
觀於諸大等  
定者常諦思  
即緣說清淨  
即彼成所緣  
妄計以為定  
了世皆藏識  
一切皆除遣  
善說於諸定  
妄智所知法  
取法及於我  
善巧說諸法  
自壞亦壞他  
妄生差別見  
苦醋鹹止痰  
鹹能已風疾  
共生於瘡病  
或三和合起  
良醫說眾方  
庾沙諸食等  
種種諸瘡疾  
及以諸相者  
病者不應差  
服藥病除愈  
但是賴耶識  
譬如眾幻獸  
蘊與於蘊者

亦無支分殊  
世中無能作  
亦非散十方  
非初最微細  
二指或復三  
求那各差別  
非時非勝性  
亦非無有因  
斯由業習氣  
依心及眼根  
意與於意識  
普現於世間  
瓶等眾境界  
非瓶似瓶現  
世間所有色  
皆是阿賴耶  
眾生身所有  
頓生或漸次  
習氣濁於心  
此性非是有  
如人以諸物  
物體若是空  
譬如須彌量  
憍慢而著空  
空性隨應說  
若演於非處  
一切諸眾生  
欲令斷諸見  
聞空執為實  
此見不可除  
譬如火燒木  
見木若已燒  
生於智慧火  
普燒諸煩惱  
牟尼以此智

及以有支分  
而作於世間  
微塵之所聚  
漸次大如指  
諸物轉和合  
如是義皆無  
及三法所作  
自然而得有  
擾濁於內心  
種種妄分別  
及以阿賴耶  
如幻作眾物  
悉以心為體  
是故說為空  
諸天宮殿等  
變異而可見  
從頭至手足  
無非阿賴耶  
凡愚不能了  
亦復非是空  
擊破於瓶等  
即無能所破  
我見未為惡  
此惡過於彼  
不應演非處  
甘露即為毒  
生於種種見  
為說於空理  
不能斷諸見  
如病醫所捨  
木盡火不留  
空火亦應滅  
諸見得滅時  
一切皆清淨  
密嚴而解脫

不見以免角  
曾無石女兒  
未聞欲鬪戰  
誰復須宮室  
一切法空性  
始於胎藏時  
離空無有色  
如月與光明  
諸法亦如是  
展轉無差別  
是身如死屍  
恒為愛繩縛  
佛說於空理  
汝等有智人  
譬如工幻者  
草木等眾緣  
依於眼及愛  
如是眼識生  
是識無來處  
諸識性如是  
譬如石女兒  
本來無有體  
師子熊羆類  
何故不分別  
善巧談論者  
古先諸智人  
惑者妄分別  
斯人無現智  
但隨他語轉  
若離於分別  
一心正定中  
譬如天宮殿  
依止須彌山  
七識亦如是  
習氣之所持

觸壞於大山  
執箭射於物  
而求兔角弓  
令石女兒造  
與法常同體  
色生便滅壞  
離色無有空  
始終恒不異  
空性與之一  
所為皆得成  
本來無自性  
境界所牽動  
為欲斷諸見  
宜應一心學  
以諸呪術力  
隨意之所作  
作意色與明  
如幻亦如焰  
去亦無處所  
不應著有無  
兔角毛輪等  
妄立於名字  
此皆無有角  
唯言兔角無  
豈不能宣說  
但說兔無角  
如瘡及聾瞽  
不能自證法  
何用分別為  
當生密巖土  
普現十方國  
眾星及日月  
風力所持運  
依於阿賴耶  
處處恒流轉

譬如依大地  
一切諸含情  
藏識亦如是  
譬如孔雀鳥  
雄雌相愛樂  
定者觀賴耶  
種子及諸法  
譬如百川流  
川流無有盡  
藏識亦如是  
諸識之習氣  
如地有眾寶  
給施諸眾生  
藏識亦如是  
增長於生死  
善行清淨行  
入如來地中  
正住於真際  
如地無分別  
如春眾花發  
執持識亦然  
如是諸佛子  
於義不善知  
非法離間語  
諸法別異住  
譬如工幻師  
於無花果處  
如是佛菩薩  
世間別異住  
說種種教門  
決定真實法  
六界與十八  
意繩之所牽  
八識諸界處  
從於意繩轉

發生種種物  
乃至眾珍寶  
眾識之所依  
毛羽多光色  
鼓舞共歡遊  
應知亦如是  
展轉相依住  
日夜歸大海  
海亦不分別  
甚深無有涯  
日夜常歸往  
及餘種種物  
隨其所資用  
與諸分別俱  
轉依成正覺  
出過於十地  
十力皆圓滿  
常恒不壞滅  
應化無有窮  
人鳥皆欣翫  
定者多迷取  
無慧離真實  
妄言生決定  
誑惑於眾生  
而別起言說  
善用於呪術  
現種種花果  
善巧方便智  
別異而安立  
誘誨無終已  
密嚴中顯現  
十二處丈夫  
眾生以流轉  
共起而和合  
前身復後身

佛說此丈夫 隨世因流轉  
是一切身者 續生無斷絕

爾時金剛藏菩薩摩訶薩說諸界處丈夫義已。摩尼寶藏清淨宮中已得無畏諸大菩薩皆前頂禮。又有無量佛菩薩眾。從諸國土來此會者。同聲讚曰。善哉善哉。眾中復有無量菩薩諸天及諸天女。皆從座起。合掌而立遞相瞻顧。而說偈言

一切定者中 唯仁為上首  
今為諸菩薩 說微妙丈夫  
遠離於外道 著我等之論  
如仁所宣示 六界淨丈夫  
但是諸界合 隨因以流轉  
譬如虛空中 有鳥跡明現  
亦如離於木 而火得熾然  
空中鳥跡現 離木而有火  
我及諸世間 未曾見是事  
鳥飛以羽翰 空中無有跡  
仁者說丈夫 與鳥跡相似  
云何於諸有 得有輪迴義  
而說界丈夫 常流轉生死  
受諸苦樂果 所作業無失  
如農夫作業 未嘗不得果  
此果成熟已 後果當復生  
身者亦復然 住身修善行  
前生後生處 恒受人天樂  
或常修福德 資糧為佛因  
解脫及諸度 逮成於正覺  
生天自在果 觀行見真義  
若離趣丈夫 一切悉無有  
有丈夫流轉 在於生死中  
下從阿鼻獄 上至諸天處  
是業必生果 所作不唐捐  
若內外世間 互力而生起  
此法似於彼 彼從於此生  
雖離趣丈夫 得有輪迴者  
如言石女子 威儀而進退  
兔角有銛利 沙中能出油

爾時會中諸菩薩天及天女說是語已。皆共供養所應供者金剛藏尊并諸菩薩。供養畢已。復共同心。而說偈言

法眼具無缺	因喻皆莊嚴
能伏他人論	顯示自宗德
是故大精進	宜應速開演
此會天人等	一心皆願聞

爾時金剛藏菩薩摩訶薩。以偈答曰

此法深難思	分別不能及
瑜伽清淨理	因喻所開敷
密嚴修定處	於中我宣說
汝等諸天人	咸應一心聽

爾時金剛藏菩薩摩訶薩說是語已。復向大樹緊那羅王。而說偈言

大樹緊那羅	汝應知法性
諸法云何住	性空無所有
如是見相應	於定不迷惑
如飯一粒熟	餘粒即可知
諸法亦復然	知一即知彼
譬如攢酪者	嘗之以指端
如是諸法性	可以一觀察
法性非是有	亦復非是空
藏識之所變	藏以空為相

爾時大樹緊那羅王。以偈問曰

云何心量中	而有界丈夫
云何生諸界	堅濕及煖動

爾時金剛藏菩薩摩訶薩。聞是語已。偈答之言

善哉大樹王	汝今作是問
欲令修行者	其心詣真實
我今為汝說	琴師應善聽
汝昔乘宮殿	并諸眷屬俱
鼓樂從空下	而來詣佛所
汝手所鳴琴	琉璃以為飾
撫奏聲和雅	悅動於眾心
無量諸聲聞	在佛所觀聽
不能持本志	各自起而舞
時天冠大士	告迦葉等言

汝等離欲人	云何而舞戲
是時大迦葉	白彼天冠士
菩薩有大力	譬如旋嵐風
聲聞無定智	如黑山搖動
雖離惑分別	尚染習氣泥
彼捨諸習氣	心淨當成佛
汝於微細境	其心已通達
種種世論中	明了而決定
善於諸地相	及佛清淨法
汝在宮殿中	眷屬所圍遶
清淨而嚴好	譬如盛滿月
能於修觀行	自在之眾中
問我界丈夫	云何從心起
汝及諸佛子	咸應一心聽
如其諸界內	心名為丈夫
諸界因此生	是義我當說
津潤生於水	炎盛生於火
動搖諸作業	因斯起風界
從於色分齊	有地及虛空
境界與諸習	識生而會聚
眼及於色等	相狀各不同
此為生廣門	諸有恒相續

爾時摩尼寶藏自在宮中持進菩薩與無量菩薩俱。從座而起稽首作禮。持諸妙供而以供養金剛藏尊。復張寶網彌覆其上。同聲讚曰善哉善哉。而說頌言

尊者住法雲	善入於佛地
能為諸菩薩	開示如來境

爾時大樹緊那羅王并諸婁女。復持種種妙好供具。以為供養。供養畢已。偈讚之曰

善哉金剛藏	得無所畏者
為我等開演	如來微妙法
今此摩尼殿	清淨最吉祥

爾時聖者觀自在菩薩。慈氏菩薩。得大勢菩薩。文殊師利菩薩。寶髻菩薩。天冠菩薩。總持王菩薩。一切義成菩薩。如是等菩薩摩訶薩。及餘無量修觀行者皆是佛子有大威德。善能開示觀行之心。悉從座起互相觀察。向金剛藏菩薩摩訶薩。而說偈言

惟願金剛尊	顯示於法眼
尊者善地相	一切咸綜知
如來常念持	佛子所宗敬
今此大力眾	同心而勸請
瑜伽自在者	顯示於密嚴
普令諸世間	得所未曾有
此法最清淨	遠離於言說
化佛諸菩薩	經中未開演
諸聖現法樂	見真無漏界
自覺智所行	清淨最無比
具足眾三昧	及以陀羅尼
諸自在解脫	意生身十種
嚴淨佛國土	不可思議數
佛及諸菩薩	身量如微塵
乃至如毛端	百分中之一
密嚴佛國土	諸土中最勝
如是觀行者	來生於是間
此皆何所因	佛子願宣說

爾時金剛藏菩薩摩訶薩三十二相八十種好莊嚴其身。為欲宣示無分別離分別。先佛法眼如師子王。普觀眾會知其智力堪能聽受。即以梵聲迦陵伽聲廣長舌相清美之聲。其聲決定眾所悅可。無有麤獷調柔簡暢。鍵羅摩聲。烏陀多聲。悉利多聲。離沙婆聲。般遮摩聲。毘嵐弭儋度路等聲。皆悉具足無量功德而共相應。不令聽者其心迷著。善能了達音聲之相。一切天人乾闥婆等莫不欣樂。金剛藏菩薩摩訶薩口無言說。以本願力。於其身上眉額頂鼻乃至肩膝。猶如變化自然而出如是之音。為諸大眾演說法眼。譬如鵝王群鵝翼從在沙汀上素潔嚴好。金剛藏大精進者。住於自在清淨之宮。諸佛子眾所共圍繞嚴潔亦爾。如空中朗月光映眾星。金剛藏菩薩亦復如是。處師子座映蔽一切。諸修行者如月與光無有差別。佛與金剛藏菩薩。亦復如是等無有異。爾時如實見菩薩摩訶薩住修行地眾中上首。從座而起合掌恭敬觀諸菩薩。說是偈言

嗚呼大乘法	微妙不思議
如來之境界	佛子應頂禮
無思離垢法	希有甚難遇
一切國土中	諸佛所觀察
大乘真實義	清淨無等倫
遠離諸分別	轉依之妙道
八種識境界	諸自性不同

五法及無我 差別而開示  
五種習所纏 生諸惡分別  
見此微妙法 清淨如真金  
得於清淨者 即住佛種性  
如來性微妙 非外道聲聞  
一切國土中 密嚴為最上  
種性成就已 而來生此國  
尊者金剛藏 已得何三昧  
所說清淨法 是何三昧境

爾時會中有無量菩薩眾。稽首作禮而說偈言

大智金剛藏 願為我開演  
住何三昧中 而能說是法  
此諸佛子等 一切皆願聞

爾時金剛藏菩薩大無畏者。普觀眾會智慧之力。為任聽受不思議法為不任耶。諦觀察已。知諸佛子堪受斯法。即說偈言

汝等諸佛子 咸應一心聽  
我今為汝說 轉依之妙道  
我所得三昧 名大乘威德  
菩薩住是中 能演清淨法  
亦見拘胝剎 所有諸如來  
塵數那由他 在前而讚歎  
善哉汝所說 此是瑜伽道  
我等諸如來 皆行此三昧  
於斯得自在 清淨成正覺  
未曾有一佛 非此三昧生  
是故此三昧 思惟不能及  
若有諸菩薩 住是三昧中  
即住不思議 諸佛之境界  
證於自智境 及見於諸佛  
變化百千億 乃至如微塵  
內證之妙理 諸佛所安住  
此法無諸相 遠離於聲色  
名從於相生 相從因緣起  
此二生分別 諸法性如如  
於斯善觀察 是名為正智

名為遍計性  
名相二俱遣  
藏識住於身  
習氣如山積  
末那有二門  
五境現前轉  
猶如有我人  
藏識瀑流水  
種種識浪生  
佛及諸菩薩  
已得成如來  
分析於諸蘊  
不知無有法  
菩薩善能觀  
觀已即便捨  
若住於真際  
功業悉不成  
希有難思智  
如蓮出淤泥  
諸天聖人等  
如是佛菩薩  
成佛體清淨  
從初菩薩位  
天主阿修羅  
了悟大乘者  
漸次而修行  
是故諸佛子  
世間諸眾生  
皆依於藏識  
此因勝無比  
非與於能作  
世尊說此識  
了知解脫已  
賴耶有可得  
如來清淨藏

相是依他起  
是為第一義  
隨處而流轉  
染意之所纏  
意識同時起  
諸識身和合  
住在於身內  
境界風所飄  
相續恒無斷  
能知法無我  
復為人宣說  
見人無我性  
是說為聲聞  
人法二無我  
不住於真際  
便捨大悲心  
不得成正覺  
普利諸群生  
色相甚嚴潔  
見之生愛敬  
出於生死泥  
諸天所欣仰  
或作轉輪王  
乾闥婆王等  
獲於如是身  
決定得成佛  
宜應一心學  
染淨等諸法  
為因而得生  
證實者宣示  
自在等相似  
為除諸習氣  
此亦無所得  
解脫非是常  
亦名無垢智

常住無始終  
佛說如來藏  
惡慧不能知  
如來清淨藏  
如金與指環  
譬如巧金師  
造作指嚴具  
其相異眾物  
現樂諸聖人  
功德轉增勝  
現法諸定者  
得第七地已  
心識之所行  
所見雖差別  
瓶衣等眾物  
心變似境生  
譬如星月等  
諸識亦復然  
當知賴耶識  
譬如好真金  
自證清淨境  
性與分別離  
體實而是常  
意識所行境  
聖見悉清淨

離四句言說  
以為阿賴耶  
藏即賴耶識  
世間阿賴耶  
展轉無差別  
以淨好真金  
欲以莊嚴指  
說名為指環  
證於自智境  
自共無能說  
了境唯是識  
轉滅不復生  
一切諸境界  
但識無有境  
境界悉皆無  
謂能取所取  
依須彌運行  
恒依賴耶轉  
即名為密嚴  
光色常充滿  
非分別境界  
不可得分別  
定者能觀見  
但縛於凡夫  
譬如陽焰等

爾時世尊說是經已。金剛藏等無量菩薩摩訶薩。及從他方來此會者無央數眾。聞佛所說皆大歡喜信受奉行

大乘密嚴經卷下